


www.BibleForChildren.org


Matius 8




Duang bongi mangkanna joo den tobotting jio kota
Kana tana Galilea, na den todai to indo-Na Puang Isa
jio. Dipauan tooi Puang Isa sola anak gurun-Na naratu.



Ia tonna cappu'mo to anggoro', mangkadami indo-Na
lako Puang Isa nakua, "Cappu'i anggoro'na." Nakua
indo-Na Puang Isa ngkuanni to todisua, "Moi apa
nasuan kamu', pugauk bangngi."



Nakua Puang Isa ngkuanni tuu lako
todisua, "Issii wai tuu mati' busu."
Napeponnoi tonganmi wai. Nakua omo
Puang Isa, "Siokki ci'di', mibawanni joo
todipatoei sara." Malemi nabawan.



Nacobai joo wai menjajimo
anggoro', apa te'da naissenni,
kumua anggoro' pole
umbora ia joo. Ia
mandara to todisua
nissenni. Natambaii
joo tobotting muane,
nakuanni, "Ia to tau
napangngolo ia
jolo' to anggoro'
kaminang melo."



"Ia ke mangkami to tau
mperasaii to melona,
mane'ri to biasanna.
Apa ia to kita' tee,
taanna to melona,
ratu lako cappa'na
pangmaroasan."



Jiomo kota Kana tana Galilea
nanii Puang Isa mpugaukki
joo tanda mejangngaran.





Iamo joo tanda mejangngaran bungah napugauk,
nanii mpangpekitan kamala'biran-Na,
nakatappa'ii anak gurun-Na.



Malemi Puang Isa lako bolana Petrus.
Mentamami bola, nakitai to indo
matuanna Petrus makula' kale
namamma' bang.




Nakaka'i Puang Isa to limanna, nata'pa malagah.
Ke'dehmi, namale mpasadianni kande to Puang Isa.



Ia tonna kabuhmo allo, budami tau ratu mbawa
tomasaki sola tonatamai
setang lako Puang Isa,
nasirempun ngasan to
to kota jio ntuu
joo olo bola, ...



... anna buda tau napamalagah to mangrupa-rupa
sakinna. Nnula'i tooi buda setang. Te'da
naeloranni to setang mangkada, nasaba'
naissen setang kumua indara
to Puang Isa.




Napengkulle-kullei ngasan tuu lako tau ngkaka' Puang
Isa, nasaba' den kuasa messun lan mai kale-Na
mpamalagah tau.




Ia tonna mangngajahhimo Puang Isa denmi a'pa' tau
ratu mbulle mesa' tokupi', la nabawa lako Puang Isa.



Apa liwa' budanna tau,
nate' damo lalan naola
tama bola mpendete'i
to Puang Isa.




Iamo joo nannola jio pelalan endek
de' dea bola, natimbakkii to dea
situjunna Puang Isa do',
namane' rroroanni jao mai
joo tokupi' jiong ampahna.




Ia tonna issenmi Puang Isa
matumba kamatapparanna
tuu lako tau, mangkadami
lako joo tokupi',
nakua, "Ee anak-Ku',
didampanganmoko."
Iamo joo kukua
lako tee tokupi',
'Ke'dehmoko,
angka'i tuu
ampahmu, mupole!



Ia tonna endekmo Puang Isa de' lopi,
endek todami to anak gurun-Na.
Ta'pa mangngumbukmi to angin
bara' jiong tasik, na la
tallan to lopi, nasaba'
natamai wai bombang,
apa mamma' bangngi
to Puang Isa.



Mebalimi nakua, "Ammimalaja'ra na te'da
mikatappa'ina'!" Ke'dehmi nagarra'i to
kalimpuru sola bombang, narapa' to
tasik. Jangngah ngasanmi tuu
lako tau nakua, "Indara
ia sitonganna tee tau,
na moi angin sola
tasik nturu' too
parenta-Na!"



Liwa' napakamoja' Puang Allataala to
tolino. Iamo joo nasuai to Anak
tungga'-Na mpangben sunga'-Na
naputuai tolin. Na ia to tomatappa'
lako, te'da nalamasolang, apa
la nnampa' katuoan melo
te'da cappa'na.



Roma 3:23

nasaba' sininna tolino mpugauk dosa na te'da nasipato'
ntarima kasalamatan.

Roma 6:23

Kamateanra to buanna dosa, apa katuoan melo te'da
cappa'na nabenki' Puang Allataala, nasaba'
memmesa'miki' sola Puangta' Puang Isa Almaseh.

Ibrani 9:27

Mangka napattantu Puang Allataala, kumua pissenra mate
to tolino, namane' Puang Allataala rra'tah kara-karana.

Efesus 2:8,9

Dipasalama' kamu', nasaba' kameloan penawan-Na
Puang Allataala, sanga matappa' kamu' lako Puang Isa.
Na ia joo tangngia kamu' nnangahhi,
apa barakka'-Nara Puang Allataala.



Te'da midipasalama' nasaba' panggaukanmi.
Iamo joo tangsipato' ke denni tau matampo
nasaba' kasalamatanna.

Roma 10:9,10

Nasaba' ia ke miakui jio olona tobuda kumua Puangngi to
Isa, ammikatappa'ii lan penawammi kumua mangkamo to
Puang Isa Almaseh napatuo Puang Allataala jio mai
kamatean, la salama' kamu'. Nasaba' penawara
namatappa' to tau, napupenjaji tomeloi Puang Allataala.
Na pangngakuan timunna to tau anna dipasalama'.

Yahya 3:16,17

Liwa' napakamoja' Puang Allataala to toline. Iamo joo
nasuai to Anak tungga'-Na mpangben sunga'-Na naputuo
tolino. Na ia to tomatappa' lako, te'da nalamasolang,
apa la nnampa' katuoan melo te'da cappa'na.



Nasuai Puang Allataala to Anak mentama lino, te'da
anna la sessai to tolino, apa la napasalama'ri.

1 Yahya 5:11-13

Iamo tee to napau Puang Allataala: mangkamiki' nabem
Puang Allataala katuoan melo te'da cappa'na, na ia tee
katuoan jio manda mai Anak Allataala tanii ntarimai.
Ia to tomesa' penawamo sola Anak Allataala, iamo
tonnampuimi joo katuoan. Na ia to te'da na mesa'
penawa sola joo Anak, te'da naampui joo katuoan.
Kuuki'i tee lako kamu' tomatappa' lako Anak Allataala,
ammiissenni kumua, miampuimo to katuoan
melo te'da cappa'na.



Matius 8-9; Markus 1-2, 4; Lukas 4, 8; Yahya 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Duri Bible (mvp) © Wycliffe Bible Translators, Inc. All
rights reserved.

<https://live.bible.is/bible/MVPLAI/MAT/1>

©2026 Bible for Children, Inc.

www.M1914.org

www.bibleforchildren.org

